

287/23

**Bosna i Hercegovina  
Federacija Bosne i Hercegovine  
Zeničko-dobojski kanton  
GRAD ZENICA**

**Služba za socijalnu zaštitu, stambene poslove i društvene djelatnosti**

Broj: 07-11-7393/23  
Zenica, 12.04.2023.godine

**STRUČNA SLUŽBA GRADSKOG VIJEĆA**

**PREDMET:** Stav Službe,

Izvještaj o radu JU Centar za socijalni rad Zenica za 2022. godinu,  
- dostavlja se

U ime osnivača Služba za socijalnu zaštitu, stambene poslove i društvene djelatnosti, razmotrila je Izvještaj o radu JU Centar za socijalni rad Zenica u 2022. godini, shodno ovlaštenjima iz Statuta Grada i Odluke o zadržavanju prava osnivača. Takođe je razmotren Izvještaj o radu Upravnog odbora za 2022. godinu i ocjena o radu direktora Centra, te Program rada za 2023.godinu. Nakon analize i ocjene navedenih dokumenata, Služba konstatuje:

- JU Centar za socijalni rad Zenica je u 2022. godini, u okviru nadležnosti obavljala djelatnosti socijalne, porodične i dječije zaštite, utvrđenih propisima, te u tom smislu ostvarila javnu funkciju i osnivačku misiju te strateške pravce razvoja Grada.
- Centar je u sistemu trezorskog poslovanja, sve transakcije odvijaju preko računa Grada Zenica.
- Iz djelatnosti rada Centar je stanovništvu i korisnicima u toku 2022. godine pružio 19.578 usluga socijalnog i drugog stručnog rada, od kojih je 1.091 na terenu: u porodici, školi ili zajednici.
- Obim posla u 2022. godini se znatno povećao izmjenom zakonskog okvira, kako u pogledu materijalnih propisa tako propisa procesne naravi (Zakona o roditeljima njegovateljima FBiH, Zakona o materijalnoj podršci porodicama sa djecom FBiH, Zakon o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodice sa djecom ZDK i Zakon o izmjenama i dopunama Zakona o upravnom postupku FBiH).
- Sve poslove u Centru obavljalo je 49 radnika, kvalifikaciona struktura zaposlenih je povoljna i čini je 63,27 % VSS/VŠ kadrova, a poslovi se izvršavaju u dvije radne cjeline.
- Uslovi rada zaposlenika su tokom 2022. godine poboljšani realizacijom projekta utopljanja. Ovaj projekat su sufinansirali Fond za zaštitu okoliša FBiH, Federalno ministarstvo prostornog uređenja, Vlada FBiH i Grad Zenica. Osim navedenog poboljšanju uslova rada doprinjela je i nabavka kancelarijskog namještaja i kompjuterske opreme u vrijednosti od 11.115 KM.
- Upravni odbor je rad direktora Muamera Mehića ocijenio kao uspješan, ističući: da je poboljšao efikasnost i finansijsko poslovanja Centra, sproveo predviđene revizije prava korisnika pri tom realizujući i nove zakonske propise, sproveo planirane edukacije radnika kao i projekte sa drugim pravnim vladinim i nevladinim subjektima.
- Početkom septembra mjeseca 2022. godine JU Centar za socijalni rad Zenica je započela realizaciju projekta: Djelovanje JU Centar za socijalni rad Zenica u kriznim situacijama. Projekat se realizuje uz podršku UNICEF-a BiH, a u okviru projekta Jačanje socijalne i zdravstvene zaštite kao odgovor na pandemiju COVID 19 u BiH,

koji finansira USAID. Partner na projektu je Savez socijalnih radnika FBiH i Grad Zenica. Projektne aktivnosti se odvijaju uz podršku Ministarstva za rad i socijalnu politiku FBiH i Grada Zenica. U sklopu realizacije projekta izrađen je Plan djelovanja u izvanrednim situacijama izazvanim prirodnim i drugim nesrećama koji treba da doprinese efikasnosti i sigurnosti u radu u Ustanovi i razvijanju kompetencija zaposlenih.

Saradnja Službe sa menadžmentom Ustanove je izuzetno dobra u smislu pristupačnosti, zajedničkih projekata, međusobne komunikacije te realizacije osnivačkih obaveza. Služba za socijalnu zaštitu, stambene poslove i društvene djelatnosti dostavlja Gradskom vijeću Izvještaj o radu JU Centar za socijalni rad Zenica za 2022. godinu na razmatranje i usvajanje.

S poštovanjem,

**PRILOG:**

1. Izvještaj o radu JU Centar za socijalni rad Zenica u 2022. godini,
2. Zaključak Upravnog odbora o usvajanju Izvještaja o radu Javne ustanove Centar za socijalni rad Zenica za 2022. godinu broj: 02/1-04-5-331/23 od 28.03.2023. godine,
3. Izvještaj o radu Upravnog odbora JU Centar za socijalni rad Zenica u 2022. godini,
4. Ocjena rada direktora Muamera Mehića za 2022. godinu, Zaključak Upravnog odbora broj:02/1-04-5-220/23-2 od 28.03.2023. godine,
5. Program rada JU Centar za socijalni rad Zenica za 2023. godinu,
6. Zaključak Upravnog odbora o usvajanju Programa rada JU Centar za socijalni rad Zenica za 2023. godinu, broj: 02/1-04-5-331/23-1 od 28.03.2023. godine,
7. Plan djelovanja u izvanrednim situacijama izazvanim prirodnim i drugim nesrećama broj:02/1-04-5-391/23 od 11.04.2023. godine,

**DOSTAVLJENO:**

- 1 x Naslov
- 2 x a/a

**POMOĆNIK GRADONAČELNIKA**

Sumea Mujkanović

